

omnium virtutum actus semper fidelissime operabatur. Tum....

## LECTIO III.

*Sanctus Joseph ita fuit sanctus ut virtutem universam possideret.*

Noster immaculatus Joseph fuit justus, non solum iustitia particulari, sed etiam universalis omnes virtutes complectente. Nostra conclusio probatur ex patribus, nam S. Joannes Chrysostomus loquens de nostro Josepho, inquit; Vocatur justus, id est, justus in omni virtute, quod idem est ac perfectus; est enim iustitia generalis, quæ ex cunctis omnino virtutibus perficitur, juxta quem modum præcipue in Scriptura solet appellari iustitia ut eum dicit; Homo justus verax. Et B. Albertus Magnus ait etiam; fuit ergo Joseph ita per constantiam fidelitatis, quantum ad iustitiam pertinet, et per virtutem castitatis, quantum ad temperantiam, et excellentiam discretionis, quantum ad prudentiam, et per strenuitatem operationis, quantum ad fortitudinem; et sic in S. Josepho notatur excellentia, quatuor virtutum cardinalium; ergo in nostro immaculato Josepho fuit complexus omnium virtutum ac per consequens iustitia generalis et de facto universalem possidebat virtutem. Aderat ergo nostro immaculato Josepho libertas animi, maxime robur invictum, pudor eximius, plena iustitia in omnibus, modestia Sponsi Dei Genitricis, prudenter summa, sed pietate in Deum verum maxime præstebat; et denique omnes virtutes in corpore et anima eminentiori gradu possidebat.

Nos hæc sublimia, &c.

R Deo gratias.

R Fuit Sanctissimo Josepho peccati fomes ex-

tinctus: ejus caro fuit sancta et immaculata.\*Ejus caro fuit sancta et immaculata ante carnem Christi, ante carnem Matris Dei. ¶ Quin hoc deroget dignitatem carnis Christi cum ex ejus meritis provenerit Ejus caro....

## —DIA 12 DE MAYO.—

## LECTIO I.

## —EX DOCTORIBUS.—

Permitit hanc fluctuationem Spiritus Sanctus ad tempus concuteret Joseph, quatenus a posteris hæc trepidatio vulnus dubietatis amputaret.—*Ger.*—Ut nomen Josephi digne in memoria hominum vertatur qui in Patrem Dei putativum assumitur.—*Alb. M.*—Devotio fidelium in Sancto Josepho multiplex ædificatio nomen.—*Ger.*—Jam in partibus occidentis Spiritus Sanctus seminavit in mentibus populorum ut singulares Sancto Josepho exhibeant honores, qua veneratione multa amoveri mala a fide catholica, et pluribus affici boris fideles non ambigimus meritis ac precibus Sanctissimi Josephi.—*Isid.*—Ipse Joseph est clavis Novi Testamenti.—*S. Bernard.*—Non enim Spiritus Sanctus deficit a movendis cordibus fidelium, donec omne imperium militantis Ecclesiæ, exultans divinum Josephum nova prosequatur veneratione.—*Isid.*

Nos hæc sublimia, &c.

R Deo gratias.

R Nomen Jesu imposuerunt Deus, Angelus, Maria et Joseph.\*Deus quidem rem nominis præstanto. ¶ Angelus predicendo, Maria imperando, et Joseph exequendo. Deus....

## LECTIO II.

*Sanctus Joseh fuit omnino justus propter ejus ardentissimam charitatem.*

Noster immaculatus Joseph fuit justus justitia accepta pro charitate supernaturali et gratia sanctificante, sanctitate nimium eximia et perfectissima. Ex scriptura nostra probatur conclusio, nam dicit Christus Dominus; Quicumque potum daret uni ex minimis istis, calicem aquæ frigidæ non perdet mercedem suam, ergo qui in nomine Christi fecerit opera misericordiæ accipiet mercedem gratiæ, eo majorem quo excellentiora fuerint opera; ergo qui ipsi Christo fecerit opera misericordiæ excellentissima accipiet mercedem gratiae eximiae et perfectissimae. Fuit etiam noster immaculatus Joseph omnino justus, quia B. Virgo suis orationibus impetravit illi auxilia gratiæ efficacissimæ et adeo extensa ut esset omnino justus per gratiam eximiam et perfectissimam. Deus juxta D. Thomam, tribuit unicuique sanctitatem et gratiam adæquatam muneri ad quod illum elegit, et quoniam Joseph electus fuit a Deo ad altissimum munus virginalis Patris Dei et dignissimi Sponsi Mariæ, ad quod obeundum dignissime summa egebat gratia et sanctitate; ergo fuit revera justus propter ardentissimam ejus charitatem; ergo fuit impeccabilis tamquam confirmatus in gratia; ergo tamquam sine labe originali conceptus fuit primus inter omnes propter ejus eximiam sanctitatem.

Nos hæc sublimia, &c.

R<sup>e</sup> Deo gratias.

R<sup>e</sup> Tota conjugum Mariæ et Josephi vita.\* Fuit celestis atque divina. ¶ Spiritus Sanctus fuit am-

borum conjugalis amor, quorum utique conversatio erat in cœlis. Fuit....

## LECTIO III.

*Sanctitas nostri Josephi fuit major sanctitate omnium sanctorum.*

Nostra haec conclusio est revera juxta plures autores, atque est etiam pium asserere sanctitatem nostri immaculati Josephi fuisse maiorem sanctitate omnium sanctorum. Videamus enim quid de illa sentiat eximus Suaresius: In hac comparatione non existimo temerarium, neque improbabile, sed pium potius et verisimile, si quis fortasse opinetur S. Josephum reliquos omnes gratia et sanctitate, antecellere, quia ex Scriptura nihil est quod repugnet, neque in Patribus aliquod reperio. Et si quæ sunt generales locutiones, quibus Apostolos Josepho præferre videantur, intelligi potest eas facere comparationem cum aliis sanctis et non excludere speciale aliquod privilegium et præsertim loqui de posterioribus sanctis, non vero de iis omnibus, qui cum Christo vixerunt et ipsis adeo apostolis coevi fuerunt; ergo sanctitas nostri immaculati Joseph fuit major sanctitate omnium sanctorum. Altera ratio assignatur a Divo Thoma; Quanto aliquid magis approximat principio in quolibet genere tanto magis participat effectum illius principii, et quia noster immaculatus Joseph plus quam alii omnes sancti accedit ad Jesum et Mariam, principium gratiæ et collum omnis plenitudinis gratiae Christi; sequitur exiunde revera illum quia magis fuit particeps effectuum gratiæ, majorem gratiam accepisse quam ceteri omnes sancti, ita ut si Jesus est caput gratiæ et Maria collum gratiæ, noster immaculatus Joseph

est corpus continens multitudinem infinitam omnium gratiarum.

Nos hæc sublimia, &c.

R Deo gratias.

R Noster Dominus Joseph quia propinquior Verbo incarnato et Deigenitrici.\* Abundantiorum gratiam præ omnibus accepit. ¶ Tum propter consanguinitatem, tum propter conjugale vinculum, tum propter munus paternum. Abundantiorum . . . .

### —DIA 13 DE MAYO.—

#### LECTIO I.

##### —EX DOCTORIBUS.—

Verum Sanctum Josephum fuisse immaculatum in sua conceptione esse saltem de numero opinabilem aut pie credendorum; quia omnis sanctificatio in utero fuit aut propter sanctificati excellentem dignitatem futuram; aut quia ad Christum Sanctum sanctorum ordinabatur; sed utrumque in sancto excelluit Joseph; ipse enim justus fuit, et supra cunctos viros ordinatus fuit prius et immediatus ad Christum. Hieremias in utero sanctificatus legitur, propter expressiorem prophetiam de Christo venturo: ergo pariter Sanctus Joseph potest asseri sanctificatus et etiam immaculatus in sua conceptione, propter expressissimam Christi notitiam, quam habuit supra cunctos viros.—*Jos.*

Nos hæc sublimia, &c.

R Deo gratias.

R Et revera circa nos naturalis gratiae inclinatio in Josephum.\* Propter nostram sanctam vocationem. Ut cor nostrum affectu singulari semper ei horeat, tanquam Patri. Propter . . . .

#### LECTIO II.

*Sanctitas nostri Josephi fuit maior sanctitate apostolorum et Joannis Baptistæ.*

Quamvis D. Thomas, loquens de sanctitate apostolorum sic ait; Abundantior fuit gratia Apostolorum, ita ut appareat temeritas illorum, qui aliquos sanctos præsumant comparare Apostolis in gratia et gloria, et nullo modo aliquis sanctus potest Apostolis comparari neque adæquari; sed nos dicere debemus censuram D. Thomæ non esse universaliter et absque ulla exceptione faciendam: quia si loquens de Joanni Baptista ait; Apostoli non merito sed officio tantum Novi Testamenti sunt majores Joanne, ergo Joannes major est Apostolis merito, id est sanctitate, ergo Divi Thomæ censura non debet universaliter accipi. Quamvis Patres Ecclesiæ ajunt; Joannes magnus erat homo et adeo magnus homo ut quisque illi superior esset, Deus esset. Joannes præcellit cunctis eminenti universis, antecedit prophetis, superreditur patriarchas, et quisque de muliere est inferior est Joanne. In coelo non est minor Joannes Apostolis, immo etiam illis major; ergo sanctitas Joannis fuit major sanctitate Apostolorum; ergo etiam sanctitas nostri immaculati Josephi fuit major sanctitate Joannis Baptistæ; nemo enim dubitat, excellentius habuisse munus et maiorem opportunitatem ut cresceret in gratia et charitate quia officium S. Josephi neque veteris, neque Novi fuit Testamenti, sed utriusque auctoris Domini nostri Jesu Christi qui fuit in utroque unus; ergo in generali locutione de aliis non debet intelligi S. Josephum esse quoque comprehensum.

Nos hæc sublimia, &c.

R Deo gratias.

R Beata Virgo omnes omnino sanctos certissime superat.\* Noster immaculatus Joseph superat etiam absque ulla exceptione. ¶ Si Maria est regina totius universi, noster immaculatus Joseph est rex sanctorum omnium, atque apostolorum et prophetarum.— Noster....

### LECTIO III.

*Utrum Dominus S. Joseph fuit sine labe  
conceptus.*

Locutiones Pauli intellectae de omnibus hominibus et Patrum Ecclesiae circa generalem propagationem peccati originalis etiamque verba Tridentini definit certum esse de fide omnes omnino homines, excepta B. Virgine Maria, maculam originalem contraxisse et adhuc contrahere. Hujus declarationis ratio est quia Apostolus ad Romanos ait; Per unum hominem peccatum in hunc mundum intravit et per peccatum mors, ita ut omnes homines mors abripiat quia omnes peccaverunt; sed cum dicat ipsummet concilium suae non esse intentionis comprehendere in hoc decreto, ubi de peccato originali agit, B. Virginem Mariam, ergo etiam potuit esse mentis ejusdem concilii non comprehendere nostrum Sanctissimum Josephum.—I. Quia ubi est Maria, ibi esse debet ejus Sponsus Joseph.—II. Quia falsum est in nostro casu ubi lex non distinguit nec nos distinguere debemus, quia noster Joseph ita est privilegiatus, ut sit verus virginalis Jesu Pater, generavit, enim illum propter suum Incarnationis consensum, tamquam verus Pater semper perfectissime operavit cum illo vivens semper aluit, defendit et protexit.—III. Quia cum fecerit concilium exceptionem

B. Virginis Mariæ nolis etiam videtur esse facendum in honorem ejus Sponsi Josephi. Ergo in generali locutione de omnibus hominibus in peccato originali perditis, non intelligere debemus comprehensum nostrum immaculatum Josephum, sed potius exclusum, non enim credibile videtur quod Christus Dominus eum etiam includere voluerit. Ergo ratio legis est in nostro immaculato Josepho, ergo noster Joseph cum inter omnes homines nobilissimus sit, fuit revera sine labe conceptus.

Nos hæc sublimia, &c.

R Deo gratias.

R Omnes Doctores affirmant,\* ea quæ magna sunt et notabilia nisi de iis expressa fit mentio, nulla verborum generalitate includuntur. Ergo noster Sanctissimum Joseph est revera sine labe originali conceptus, quia expresse non est nominatus. Ea quæ magna.....

### —DIA 14 DE MAYO.—

#### LECTIO I.

#### —EX DOCTORIBUS.—

Quis enim in novissimis, et etiam in nostris temporibus prohibeat catholicum Romano obsequentissimum Pontifici argumentis inquirere incogitam divini Josephi sanctitatem? Vidi ego theologos, beatum Joseph haud magui facientes, qui si ex dictis evangelicis argumentari voluisent magnitudinem meritorum ejus, cogentes in obsequium Christi intellectum suum, potius exclamavissent dicentes: Magnus est profecto Joseph Sanctissimus, quia ut Sponsus Mariæ et Pater Christi, revera immaculatus in sua conceptione esse debebat; et sicut sol

lucet inter perpetuas æternitates natura, conjugio, officio, dignitate et obsequio, Patres omnes Testamenti Veteris tantum superans, quantum apud filium præstat auctoritate Pater magis quam servus.—  
Joseph.

Nos hæc sublimia, &c.

R Deo gratias.

R Ex visitatione, consortio et devotione cum nostro immaculato Josepho.\* Unusquisque ex nobis ingenuo fatetur. Venerunt mihi omnia bona, patiter cum illo. Unusquisque....

### LECTIO II.

*Voluit occulte dimittere Mariam, quia Dei genitricem videbat.*

Ait Evangelium de nostro immaculato Josepho; Cum esset justus et nollet eam traducere, voluit occulte dimittere eam, ac proinde nullam habuit suspicionem contra Beatissimæ Virginis puritatem, quia hujusmodi suspicio attentis omnibus circumstantiis ei omnino erat impossibilis tum quia noster immaculatus Joseph habuit plura et gravia fundamenta, ex quibus colligeret ejus Sponsam Mariam gravidam Deum concepisse ex Spiritu Sancto, cum quia probabile est et forte certum atque certissimum mysterium Incarnationis Domini nostri Jesu Christi, operatum fuisse post consensum Josephi; quia etiam S. Joseph et B. Virgo fuerunt consobrini in gradu primi, id est Filii duorum fratrum, Sancta Anna erat enim soror Jacobi patris Josephi quia idcirco novit, magna miracula quæ Virginis nativitatem præcessere; ac demum quia eam voluit dimittere post visitationem, audivit ex ipso prophetantis ore; Benedictus fructus ventris

tui, atque etiam, unde hoc mihi ut Mater Domini mei veniat ad me, et celeberrimum divinæ ejus Sponsæ Magnificat. In quibus verbis clare exprimebatur conceptio Dei in utero suæ Sponsæ Virginis. Quia noverat Scripturam dicentem. Ereditetur virga de radice Jesse et revera sciebat illam Virgam esse Mariam ut expresse ait S. Benignus; Videbat Joseph, gravidam quam noverat castam, et quia legerat; Ereditetur virga de radice Jesse unde novit Mariam, duxisse originem legerat etiam ecce Virgo concipiet, non diffidebat hanc proprietam in ea esse adimplendam. Et impleta quidem est in meipso, aiebat: nam in mea desponsatione cum Maria arida Virga in mea manu effloruit. Et certe quia Maria fuit Virga, et fuit in manu Josephi tradita in matrimonio. Atque hæc omnia utpote mundo osculo et corde propter suam puritatem Joseph satis intelligebat.

Nos hæc sublimia, &c.

R Deo gratias.

R Ergo voluit Joseph occulte dimittere Mariam, \*Quia Dei genitricem videbat. V Ergo noster immaculatus Joseph attentis his omnibus nullam suspicionem aut dubitationem habuit. Quia....

### LECTIO III.

*Voluit occulte Joseph dimittere Mariam cum esset justus.*

Noster immaculatus Joseph magna cum admiratione, stupore ac timore habitandi cum Matre Dei ob ejus profundissimam humilitatem, voluit eam dimittere cum esset justus, ita ut noster immaculatus Joseph voluit dimittere Mariam propter hanc unicam causam, id est, quod esset justus nempe

formaliter humilis; ergo ex ipso Evangelio constat voluisse nostrum Josephum dimittere Mariam propter humilitatem. Alphonsus Salmeron sic ait; Joseph autem vir ejus cum esset justus, id est, humiliis et demisse ac modeste de se sentiens. Ergo juxta Evangelium Joseph voluit dimittere Mariam quia erat humiliſ. S. Bernardus inquit; Quare Joseph eam voluit dimittere? Accipe et in hoc non meam sed Patrum sententiam. Propter hoc Joseph voluit eam dimittere, propter quod Petrus Dominum a se repellebat dicens: exi a me, Domine, quia homo peccator sum; propter quod Centurio eum a domo sua prohibebat, cum diceret; Domine, non sum dignus ut intres sub tectum meum. Tali et tantae Virgini, ajebat Joseph, non sibi esset amplius præstandum familiare contubernium, ejus supra se mirabilem expavescebat dignitatem. Videbat et horrebat divinam praesentiam: extorruit nimium, Joseph hujus tanti miraculi novitatem, et mysterii profunditatem et ideo voluit occulte dimittere eam. Cum vere esset humilis corde noster immaculatus Joseph, voluit occulte dimittere Mariam, quia ex facie Virginis, ait. Bustus, egrediebatur quidam splendor, tamquam si sol fuisset in lucerna christallica. Ergo voluit occulte dimittere Mariam propter profundissimam ejus humilitatem.

Nos haec sublimia, &c.

R Deo gratias.

R Hoc testimonio Mariæ est, quod Joseph sciens illius divinam maternitatem.\* Tum voluit occulte dimittere eam admirans tamquam Dei genitricem. ¶ Tum eam honorat, laudat et glorificat in sœcula sœculorum. Tum....

### —DIA 15 DE MAYO.—

#### LECTIO I.

##### —EX DOCTORIBUS.—

Divum Josephum præstanti corpore, ut animi virum præclarissimi decet, ornatum fuisse. Omnes viri qui figuraverunt figura Joseph in Sacra Scriptura pulchri: ergo Joseph pulcher fuit. Item corpus ordinatur ad animam, ita quidem animæ nobiliori debetur corpus nobilius; ergo pulchritudo corporis sequitur ad pulchritudinem animæ. Opera Dei sunt perfecta et Sponsa Sponso debet esse similis; beata autem Virgo fuit pulcherrima, ergo Joseph Sponsus ejus. Castitas et virginitas laudabilior est in pulchris; ergo Sanctus Joseph pulcher, cuius virginitas laudatissima extitit. Pulchra et perfecta societas dedecoratur per deformitatem unius; sed societas Christi, et beatæ Mariae et Joseph fuit pulchra et perfecta; ergo Sanctum pariter Joseph pulchrum fuisse asserendum est.—Isid. I.

Nos haec sublimia, &c.

R Deo gratias.

R Respiscimus divinum Josephum sicut ad rerum causam.\* Illi qui in celo sunt ut restaurentur, et qui in inferno ut eripiantur. ¶ Et omnes ex nobis qui eum sequuntur ut glorificantur. Illi....

#### LECTIO II.

*Voluit occulte dimittere eam, ut nemo sciret  
se esse virginalem Patrem Dei.*

Plenissime certior est factus noster immaculatus Joseph de mysterio Incarnationis peracto in virginali utero suae purissimæ conjugis, plenissime certior etiam de dignitate virginalis Dei genitricis;

plenissime certior de dignitate virginalis Patris Dei, quia per suum consensum et ad modum unius, Dei genitrix erat revera ejus Sponsa ac demum de ejus munere circa Virginem adducendam sacerdotibus quum esset Mater promissi Messiae. Ergo si Maria ejus Sponsa erat virginalis Dei Mater, noster Joseph ejus Sponsus erat etiam verus virginalis Dei Pater; et hoc ita factum est non modo coram hominibus verum etiam coram Deo; propterea ajebat S. Augustinus; Nen solum debuit esse Pater Joseph, sed maxime debuit, major puritas confinxerat paternitatem ne ipsa S. Maria, nos reprehendat. Quod Spiritus Sanctus operatus est, utrisque operatus est et in amborum justitia requiescens, ambos filium dedit, sed in eo sexu cui parere decebat operatus est hoc, quod etiam marito nasceretur. Cur noster immaculatus Joseph noluit eam sacerdotibus traducere? Quia erat iustus, id est, quia erat humilis, propter quam humilitatem volebat Mariam honorari sicut Dei genitricem; ipse vero noluit apparere sicut Dei Pater, propter quod eam voluit occulte dimittere. Sed ille, qui vere humiles corde exaltat, misit Angelum, qui ei diceret; Ne timas accipere Mariam coniugem tuam, quod enim in ea natum est de Spiritu Sancto est.

Nos haec sublimia, &c.

R Deo gratias.

R Voluit occulte dimittere Mariam, ut nemo sciret se esse virginalem Patrem Dei.\*Maria tua Sponsa pariet Filium, quem Spiritus Sanctus ambo bus dedit. ¶ Et vocabis nomen eius Jesum, ipse enim salvum faciet populum suum a peccatis eorum. Maria....

### LECTIO III.

*Sacra Familia meruit de condigno esse  
—Sacra Familia.—*

Meritum est obsequium factum alteri quod potest ex se movere ad alicuius muneris retributio-  
nem et meritum de condigno est illud, quod habet æqualitatem mathematicam virtualem seu virtu-  
tem cum praemio, et hoc est mathematice tantum  
quantum exigit meritum. Haec est D. Thomae op-  
tima explicatio: Gratia Spiritu Sancti si non est  
æqualis gloriae in actu, est tamen æqualis in vir-  
tute, sicut et semen arboris in quo est virtus  
totius arboris. Atqui Jesus, Maria et Joseph ha-  
buerunt æqualitatem mathematicam virtutum seu  
virtutem cum praemio, id est, per suam coopera-  
tionem perfectissimam in suo genere; ergo Jesus,  
Maria et Joseph, scilicet, Sacra Familia meruit de  
condigno esse Sacra Familia. Meruit de condigno  
sacra humanitas Demini Nostri Iesu Christi, quia  
in primo sui esse momento accepit gratiam revera  
infinitam, atque semper operata est in omnibus in-  
finita perfectione; quia in Domino Nostro Iesu  
Christo Deus erat homo, et homo erat Deus; ergo  
sacra humanitas Verbo unita meruit de condigno  
esse Deus. Maria a primo sui esse instanti fuit im-  
maculata et gratia data est illi pene infinita, et  
quoniam semper et in omnibus operata est multipli-  
cans illam pene infinitam gratiam; ergo de condigno  
divinam meruit maternitatem: Joseph immaculatus  
etiam atque etiam a primo sui esse instanti accepit  
a Deo immensum gratiarum thesaurum suae revera  
dignitati debitum ut de facto posset esse dignissi-  
mus Pater Dei virginalis, et cum semper et in om-

nibus ejus operibus fecerit multiplicans hanc ipsam gratiam cum perfectione rerum vere mathematica, ergo meruit de condigno esse virginalis Dei Pater, et unus ex Sacra Familia.

Nos haec sublimia, &c.

R. Deo gratias.

R. Sacra Familia meruit de condigno esse Sacra Familia.\* Jesus operatus est semper sicut Deus. ¶ Maria et Joseph semper operati fuerunt cum tota illa mathematica perfectione quae convenit almis parentibus Christi. Jesus....

### —DIA 16 DE MAYO.—

#### LECTIO I.

#### —EX DOCTORIBUS.—

Ita despositio Marie cum Josepho fuit utilis duodecimo; et in primis ut parentes spirituales omnium fidelium ostendantur.—*Alb. M.*—Ad Joseph ultima sed optima promissio Salvatoris facta est.—*Rup.*—Gentis fulcimentum in custodia Domini.—*Alb. M.*—Ad omnia itinera suos fuit Sanctissimus Joseph filius zelotes, filius zelotes ad salvandas gentes.—*Rup.*—Cum Christus haberet claves paradisi et unam dedit Matri sue, dedit et unam suo Joseph.—*Bern. de B.*—Tota cœlestis curia ipsum Josephum tamquam thesauri Domini Christi custodem et ministrum fidelissimum honorat colit et veneratur.—*Amad.*—Joseph potentia Regis potens.—*Rup.*—Joseph quem Regina cœlorum Sponsum amantissimum adhuc clamitat.—*Isid. I.*—Confudit in Maria cor viri sui Josephi, et spoliis non indigebit.—*Sala.*

Nos haec sublimia, &c.

R. Deo gratias.

In sola nominis impositione revera ostendit Joseph.\* Superioritatem veram et quasi legale dominium. ¶ Tum circa Sponsam suam Mariam, tum circa Filium suum Jesum. Superioritatem....

#### LECTIO II

*Noster immaculatus Joseph meruit de condigno Paternitatem Dei.—*

Concedendum est nostro immaculato Josepho, juxta Doctores, id, quod ipsi est laudabilis, nempe meruisse de condigno Dei Paternitatem, quia a Deo vocatus est ut esset verus virginalis Dei Pater, quia ab ipso Deo thesaurum immensam gratiae accepit, ita ut esset omnino justus, quia semper et in omnibus sua vitæ diebus operatus est juxta omninomadam perfectionem ab accepta gratia provenientem, ergo dicendum est nostrum immaculatum Josephum meruisse de condigno paternitatem Dei. Aliunde dicere possimus; Si Deus per opera honesta, sancta, divina cœlestia ordinasset S. Josephum ad præmium Dei Paternitatis, ex facto talis præmii sub talium operum conditione, illa essent de condigno meritoria talis præmii, atqui Deus non solum poterat ordinare opera Sancti Josephi, sed de facto ordinavit in favorem sui parentis, ergo dicendum est ipsum meruisse de condigno illam Dei Paternitatem. Denique possumus etiam dicere; Merita quæ sunt a persona digna præmio sunt condigna respectu, talis præmij, sed merita nostri immaculati Josephi fuerunt ita excellentiora sub omni respectu, ut ille factus fuerit persona dignissima Dei paternitate, ergo fuerunt respectu paternitatis Dei. Ergo noster im-

maculatus Joseph de condigno meruit paternitatem Dei.

Nos hæc sublimia, &c.

R. Deo gratias.

R. Merita nostri Josephi sunt merita pertinentia ad ordinem hypostaticum.\* Utpote immediate exercitata circa personam Verbi Divini. ¶ Ergo sua merita sunt aequalia Paternitati Dei; ergo meruit eam de condigno. Utpote....

### LECTIO III.

*Joseph resurrexit cum Domino resurgente et cum ipso in corpore et anima cœlos ascendit.*

Quando Christus Dominus resurrexit, multa corpora sanctorum surrexerunt, et juxta plures auctores cum D. Thoma ita surrexerunt ad vitam immortalem, ut non iterum morituri essent; sed ascensi uti factum est ad cœlos cum corpore et anima. Atque hæc omnia ita facta sunt ut verum testimonium de vera Christi resurrectione proferrent cognitum enim fuit illos vere resurgere, et vivere cum Christo, quia ad cœlos ascenderant corporaliter. Ratio judirica eamdem veritatem demonstrat: nam beneficium imperatoris, quod a divina, scilicet, indulgentia proficiuntur, quam plenissime interpretari debet; ergo noster immaculatus Joseph resurrexit cum Christo Domino resurgente, et cum ipso in corpore et anima ad cœlos ascendit. Probatur etiam nostra conclusio ex facto S. Bernardini Senensis, qui, uti refert Pater Fr. Andræas de Soto, nostram conclusionem Paduæ publice prædicavit et tum super cum descendit et apparuit crux fulgentissima. Ipse Pater sic ait; Pie quidem credendum est quod piissimus Filius Dei Jesus pari privilegio decoravit suum Patrem, sicut suam

Sanctissimam Matrem; ut sicut illam assumpsit in coelum in corpore et anima gloriosam, sic etiam in die resurrectionis suaec Sanctissimum Josephum secum assumpsit in coelum. Recogitet, oro, ait Gerson, pius animus si Joseph iustus putandus sit unus ex illis suscitatis in die dominicae resurrectionis.

Nos hæc sublimia, &c.

R. Deo gratias.

R. Noster immaculatus Joseph Mariæ apparuerit charissimæ Sponsæ, qui eam consolatus est,\* qui, Christo in coelum ascende, simul et ascendit glorificatus. ¶ Non dubium in anima, et certissime in corpore, ascendit in coelum. Qui, Christo....

### —DIA 17 DE MAYO.—

#### LECTIO I.

#### —EX DOCTORIBUS.—

Nobilissimæ paternitatis dono insignitus fuit Joseph: ergo habuit conditiones nobilissimæ paternitatis, inter quas enumeratur virginitas, quæ paternitati divinæ convenit; ergo Joseph fuit virgo; ergo pariter Joseph virginem omnino credere fas est, cui commissa fuit gubernatio et cura Dei immortalis caro facti. —*Isid. I.*—Certum est Joseph virginitatem fuisse nobiliorem, gratiorem, utiliorem, gloriosiorem, ac mirabiliorem quam fuerit angelorum virginitas.—*Alb. M.*—Novum Testamentum virginitatem consecrat et supra conjugatos reponit; sed Sanctus Joseph primus est, quem Sacri Novi Testamenti pagina justum predicit; ergo rationabiliter arbitramur illum fuisse virginem.—*Isid. I.*

Nos haec sublimia, &c.

R. Deo gratias.